

Noticia publicada en Diario Noticias de Gipuzkoa, el martes día 19 de Enero de 2021.

Liburutegiaren ordutegia zabaltzea eskatu du Irungo EGIk **IKASTEKO DAUDEN
PLAZA MUGATUAK EGUNERO “MINUTUTAN” AGORTZEN
DIRELA SALATU DU ENTITATEAK**
– J.G. 19.01.2021 | 00:28

IRUN – Pandemia hasi zenetik, Irungo CBA udal liburutegiko hainbat espazioen edukiera murriztuta dago. Hiriko Eusko Gaztedi Indarrak (EGI) atzo salatu zuenez, murrizketa horrek arazoak sortu ditu ikasle irundarren artean liburutegiak orain eskain-tzen duen espazioa nahikoa ez delako dagoen eskarirako. Izan ere, liburutegiko ikasgela erabili nahi duen orok erreserba egin behar du 24 ordu lehenago. EGItik diotenez, plazen erreserba egiteko sistema 0.00etan aktibatzen da egunero, eta "ordurako ikasle asko konektatuta daude erreserba egiteko asmoz". Beraz, erabilgarri dauden plazen kopurua "minutu gutxi batzuetan" agor-tzen dira eta ikasle asko "ikasgela erabiltzeko aukerarik gabe gelditzen dira". Ildo horretan, entitatearen ustez azken hilabeteetan Irungo udal Gobernuak egoerari aurrea hartu behar zion, "baina ez du egin". Horregatik, "beste udal-espazio batzuk prestatzea eta liburutegiaren beraren ordutegia gehiago zabaltzea" eskatu dio EGIk.